



GIG
CYMRU
NHS
WALES

Partneriaeth
Cydwasaethau
Shared Services
Partnership

Bwrsariaeth Meddygol a Deintyddol

Adrannau:

1. Hawl i gyllid
2. Ymholiadau Tâl
3. Treuliau yn sgil Lleoliad Ymarfer



GIG
CYMRU
NHS
WALES

Partneriaeth
Cydwasaethau
Gwasanaethau Dyfarniadau
Shared Services
Partnership
Student Awards Services

Cwestiynau		Ymateb
Hawl i gyllid		
	Rwy'n dod o Gymru, fodd bynnag, rwy'n ystyried dilyn cwrs yn Lloegr, a fydddech chi'n ariannu hwn?	Bydden - Ond dim ond os yw'n gwrs Meddygaeth neu Ddeintyddiaeth. Er enghraifft, pe bydddech am gofrestru ar gwrs Nyrsio yn Lloegr, ni fyddem yn gallu eich cefnogi gyda chyllid ar gyfer hyn.
	Os ydw i'n astudio Meddygaeth neu Ddeintyddiaeth, a ydw i wedi ymrwymo i Delerau ac Amodau GIG Cymru?	Na, nid yw'n ofynnol i Fyfirwyr Meddygol a Deintyddol ymrwymo i Delerau ac Amodau GIG Cymru. Wrth gofrestru, gofynnir i chi: 'Ydych chi'n dilyn cwrs i ddod yn feddyg neu'n ddeintydd?' Trwy ateb 'Ydw' i'r cwestiwn hwn, ni ofynnir i chi ymrwymo i'r Telerau ac Amodau.
	Galla i wneud cais am gwrs os wyf eisoes wedi cwblhau Gradd?	Os ydych chi wedi cwblhau gradd flaenorol Heb ei Chyllido gan GIG Cymru, byddwch yn gymwys i wneud cais am Fwrsariaeth GIG Cymru. Os ydych chi eisoes wedi derbyn Bwrsariaeth GIG Cymru ar gyfer Gradd Feddygol, yna byddai angen i chi geisio dulliau cyllido amgen os ydych yn dymuno cofrestru ar gwrs Meddygol newydd.
	Ym mha flwyddyn yn ystod fy nghwrs Meddygol neu Ddeintyddol y galla i wneud cais am fwrsariaeth gan GIG Cymru?	Os ydych chi'n fyfyrwr meddygol neu ddeintyddol sy'n byw yng Nghymru, dylech chi wneud cais i Wasanaethau Dyfarniadau Myfyrwyr yn y flwyddyn y mae disgwyl ichi gael eich ariannu gan GIG Cymru. Ddylech chi ddim gwneud cais inni ar ddechrau'ch cwrs. Bydd y flwyddyn/blynyddoedd y bydd modd inni eich cyllido yn dibynnu ar eich cwrs a'ch amgylchiadau, ond defnyddiwch y canllawiau isod. Cwrs cyn cofrestru pum mlynedd neu fwy Fel arfer, bydd modd i fyfirwyr meddygol / deintyddol wneud cais am gyllid gan GIG Cymru o'u pumed flwyddyn ymlaen. Nid yw'r flwyddyn rydych chi'n astudio ynddi ar eich rhaglen feddygol / deintyddol yn berthnasol yn hynny o beth. Gall y blynyddoedd a ystyrir yn flynyddoedd 'astudio' gynnwys blwyddyn ryngosod os ydych chi'n astudio graddau Baglor neu Feistr a blwyddyn sylfaen os oedd hyn yn rhan annatod o'ch cwrs. Fodd bynnag, fyddwn ni ddim yn cyfrif unrhyw flynyddoedd a wnaethoch

		chi ddwywaith. Mae hyn yn golygu y bydd rhaid ichi aros am flwyddyn arall cyn y gallwch wneud cais inni os ydych chi wedi gwneud un o'ch blynyddoedd a ariennir gan y GIG am yr eildro. Os ydych chi wedi'ch eithrio o flynyddoedd cynharach y radd feddygol / deintyddol israddedig, waeth pa flwyddyn y dechreuodd y cwrs, bydd modd ichi wneud cais i'r GIG am gyllid o bumed flwyddyn y cwrs ymlaen. Cwrs cyn cofrestru carlam ar gyfer graddedigion sydd ag addysg flaenorol berthnasol Os ydych chi'n gwneud y cwrs carlam graddedig pedair blynedd, gallwch wneud cais am gyllid gan y GIG o ail flwyddyn y cwrs ymlaen.
	Yn ystod fy nghwrs Meddygol / Deintyddol a oes gen i hawl i dderbyn y Lwfans Wythnosau Ychwanegol ?	Os ydy'ch blwyddyn academiaidd yn cynnwys mwy na 30 wythnos gymwys o astudio, mae'n bosibl y bydd gennych hawl i'r Lwfans Wythnosau Ychwanegol. Bydd yn rhaid i'r brifysgol lle rydych chi'n astudio ddarparu eich dyddiadau tymor i ni. Unwaith y byddwn wedi derbyn a phrosesu'ch dyddiadau tymor, byddwn yn ychwanegu unrhyw daliadau Lwfans Wythnosau Ychwanegol sydd wedi eu dyfarnu i chi. Byddwch yn ymwybodol bod y Lwfans Wythnosau Ychwanegol yn rhan o elfen y fwsariaeth sydd â phrawf modd.
	Fydd gennyf i hawl i gyllid os byddaf yn gwneud rhan o fy nghwrs Meddygol / Deintyddol am yr eildro?	Gallwch ond gwneud cais am ragor o gyllid, gan gynnwys ffioedd dysgu, os ydych chi'n ail-wneud un o'r blynyddoedd sy'n cael eu cyllido gan y GIG. Er enghraifft, pe baech chi'n methu'ch pedwaredd flwyddyn wrth gwblhau cwrs meddygol / deintyddol pum mlynedd, fyddwn ni ddim yn ystyried rhoi cyllid ichi gan y byddech yn ail-wneud blwyddyn na chaiff ei chyllido gan y GIG. Fydd blynyddoedd astudio rydych chi wedi eu gwneud am yr eildro cyn bod hawl gennych i wneud cais am fwsariaeth ddim yn cyfrif tuag at y bumed flwyddyn astudio ofynnol. Mae'r un rheolau'n berthnasol yn achos y rhaglen garlam fynediad bedair blynedd, lle na fyddai modd inni ddarparu cyllid pe baech chi'n ail-wneud blwyddyn 1. Os ydych chi'n ail-wneud blwyddyn sy'n cael ei chyllido gan y GIG, mae'n bosibl y cewch eich ystyried am gyllid ychwanegol lle mae yna amgylchiadau eithriadol. Bydd angen i'ch Prifysgol gwblhau BUR 103 - Cais Estyniad yn amlinellu'r amgylchiadau a darparu tystiolaeth ddogfennol ategol i'w hystyried.
Ymholiadau Tâl		

	Pwy sy'n talu ffioedd dysgu cyrsiau meddygol neu ddeintyddol?	Mae Llywodraeth Cymru yn talu cyfraniad tuag at gost eich ffioedd dysgu yn syth i'ch prifysgol / ysgol feddygol neu ddeintyddol ar gyfer y blynyddoedd academiaidd hynny y mae gennych hawl i dderbyn cyllid gan y GIG ar eu cyfer. Dylech ddangos eich Hysbysiad o Ddyfarniad (NOA) i'r Brifysgol i brofi'ch hawl i dderbyn y cyfraniad hwn a bydd modd i'r brifysgol anfon anfoneb at Wasanaethau Dyfarniadau Myfyrwyr ar gyfer y gost. Ar ôl i'r anfoneb gael ei hadolygu, bydd y tîm SAS yn anfon hwn at Lywodraeth Cymru i'w brosesu Er mwyn bod â hawl, mae'n rhaid eich bod yn mynychu'r cwrs hyd at, ac yn cynnwys, y cyntaf o Ragfyr yn ystod y flwyddyn academiaidd berthnasol, felly fyddwn ni ddim yn derbyn unrhyw anfonebau a ddaw i law cyn hyn.
	Pwy sy'n gyfrifol am dalu Bwsariaeth Feddygol a Deintyddol GIG Cymru?	Mae Gwasanaethau Dyfarniadau Myfyrwyr yn gyfrifol am brosesu ceisiadau ac anfon cadarnhad o'r holl daliadau cymeradwy i Brifysgol Caerdydd i'w prosesu. Yna mae Prifysgol Caerdydd yn gyfrifol am wneud y taliadau i Fyfyrwyr, waeth ym mha Brifysgol rydych chi'n astudio.
	Pryd mae Bwsariaeth Feddygol a Deintyddol GIG Cymru yn cael ei dalu?	Telir Bwsariaeth Feddygol a Deintyddol GIG Cymru mewn 3 rhandaliad cyfartal dros y flwyddyn academiaidd. Caiff y rhandaliad cyntaf ei dalu fis Medi, yr ail fis Ionawr a'r olaf fis Ebrill.
	A oes dyddiadau talu penodol yn y flwyddyn pan delir Bwsariaeth Feddygol a Deintyddol GIG Cymru?	Na - Ni wneir y taliadau ar ddyddiad penodol, ond fel rheol byddant yn cael eu talu tua dechrau'r mis. Cyn gynted ag y byddwn yn ymwybodol o'r dyddiadau talu penodol, byddwn yn postio'r wybodaeth hon ar wefan SAS.
	Rwyf wedi cwestiynu dyddiadau'r Taliad gyda Phrifysgol Caerdydd, ond mae nhw'n dweud nad ydyn nhw wedi derbyn yr amserlenni Taliadau - pam felly?	Gall hyn fod oherwydd nad yw'r dyfarniad wedi'i gymeradwyo eto neu nad yw'r amserlen dalu wedi'i hanfon i Brifysgol Caerdydd eto. Anfonir Atodlenni Talu i Brifysgol Caerdydd yn wythnosol felly gall fod ychydig o oedi rhwng cymeradwyo'r dyfarniad a hysbysu'r Brifysgol. Yn wythnosol, rydym yn anfon Atodlenni Taliad i Brifysgol Caerdydd gyda rhestr enwau Myfyrwyr a pha daliad y dylid ei wneud. Cyn gynted ag y bydd eich cais wedi'i gymeradwyo a'r dyfarniad wedi'i gwblhau, anfonir eich manylion i'ch Prifysgol ar yr adroddiad wythnosol nesaf sydd ar gael.

	Pam mae fy nhaliadau wedi dod i ben?	Efallai y bydd taliadau'n dod i ben oherwydd bod y brifysgol wedi ein hysbysu efallai eich bod wedi rhoi'r gorau i'ch astudiaethau. Fel arall, gallai hyn fod oherwydd nad ydym wedi derbyn cais newydd gennych chi am y flwyddyn Academaidd ddiweddaraf. Cyn dechrau pob blwyddyn Academaidd, rhaid cwblhau a chyflwyno cais newydd i sicrhau unrhyw gyllid yn y dyfodol. Os ydy'ch taliadau wedi dod i ben a'ch bod yn ansicr pam, cysylltwch â ni trwy e-bost neu ffôn a gallwn ymchwilio i hyn ar eich rhan.
Cyrsiau Rhyngosod		
	Fyddech chi'n ariannu blwyddyn ryngosod i fyfyrwyr Meddygol / Deintyddol?	Israddedigion meddygol neu ddeintyddol Os ydych chi wedi cymryd blwyddyn ryngosod er mwyn gwneud cwrs Baglor neu Feistr (ond nid doethuriaeth), mae'n bosibl y bydd gennych hawl i dderbyn Bwrsariaeth gan y GIG o'ch pumed flwyddyn astudio ymlaen, waeth pryd y bydd y flwyddyn ryngosod yn dechrau. Enghreifftiau: Blwyddyn 1 cwrs meddygol â chyllid gan y Cwmni Benthyciadau Myfyrwyr Blwyddyn 2 cwrs meddygol â chyllid gan y Cwmni Benthyciadau Myfyrwyr Blwyddyn 3 cwrs meddygol â chyllid gan y Cwmni Benthyciadau Myfyrwyr Blwyddyn 4 cwrs meddygol â chyllid gan y Cwmni Benthyciadau Myfyrwyr Blwyddyn 5 yn cwblhau blwyddyn ryngosod â chyllid gan y GIG Blwyddyn 6 cwrs meddygol â chyllid gan y GIG Blwyddyn 1 cwrs meddygol â chyllid gan y Cwmni Benthyciadau Myfyrwyr Blwyddyn 2 cwrs meddygol â chyllid gan y Cwmni Benthyciadau Myfyrwyr Blwyddyn 3 ryngosod â chyllid gan y Cwmni Benthyciadau Myfyrwyr Blwyddyn 4 cwrs meddygol â chyllid gan y Cwmni Benthyciadau Myfyrwyr Blwyddyn 5 cwrs meddygol â chyllid gan y GIG Blwyddyn 6 cwrs meddygol â chyllid gan y GIG Mynediad i raddedigion Myfyrwyr Meddygol neu Ddeintyddol Mae'n bosibl y bydd hawl gennych i dderbyn Bwrsariaeth gan y GIG o'ch ail flwyddyn astudio ymlaen, waeth pryd y bydd eich blwyddyn ryngosod yn digwydd. Enghraifft:

		Blwyddyn 1 cwrs meddygol â chyllid gan y Cwmni Benthyciadau Myfyrwyr Blwyddyn 2 cwrs meddygol â chyllid gan y GIG Blwyddyn 3 cwrs meddygol â chyllid gan y GIG Blwyddyn 4 yn cwblhau blwyddyn ryngosod â chyllid gan y GIG Blwyddyn 5 cwrs meddygol â chyllid gan y GIG Os cymerwch chi flwyddyn ryngosod er mwyn cwblhau cwrs 2 flynedd neu 3 blynedd ar lefel doethuriaeth, fydd dim hawl gennych i dderbyn Bwrsariaeth gan y GIG yn ystod y cyfnod hwn, fodd bynnag, mae'n bosibl y bydd hawl gennych i dderbyn cyllid gan y GIG ar gyfer mwy nag un flwyddyn ryngosod.
	Sut ydw i'n mynd ati i ddewis fy manylion cwrs ar BOSS os ydw i'n gwneud cais am flwyddyn ryngosod yn rhan o gwrs meddygol neu ddeintyddol?	Os ydych chi'n gwneud cais am eich bwrsariaeth ar gyfer blwyddyn y byddwch yn cymryd blwyddyn ryngosod ynddi, dewiswch deitl y cwrs sy'n cynnwys 'intercalation'. Enghraifft: Medical (Intercalation) – 12 months Os ydych chi wedi dewis cwrs ryngosod, bydd modd ichi ddewis 'intercalation' fel blwyddyn cwrs o'r gwymplen yn y system BOSS. Os byddwch yn cymryd eich blwyddyn ryngosod mewn prifysgol wahanol, dewiswch y brifysgol lle byddwch yn astudio ar gyfer y flwyddyn ryngosod honno ac wedyn, ar ôl dychwelyd i'ch prif brifysgol ar gyfer y flwyddyn olaf, dewiswch eich prif brifysgol ar gyfer eich blwyddyn olaf o astudio er mwyn dod â'r broses i ben. Wrth ddewis cwrs meddygol / deintyddol ar BOSS, darllenwch y nodiadau cymorth a fydd yn ymddangos ar y dudalen am fanylion y cwrs ar y cais BOSS.
Treuliau yn sgil Lleoliad Ymarfer		
	Pwy all hawlio?	Gall bob myfyriwr a gyllidir gan GIG Cymru sydd wedi derbyn Hysbysiad o Ddyfarniad gan Wasanaethau Dyfarniadau Myfyrwyr, hawlio ar wahân i:- • ddeiliad dyfarniad Ffioedd Ewropeaidd yn Unig (myfyrwyr yr UE sydd ond yn derbyn cyllid ffioedd dysgu trwy GIG Cymru.
	Pa dreuliau teithio gaf i eu hawlio?	Dim ond am gostau teithio o'ch cyfeiriad yn ystod y tymor/eich lleoliad i'ch lleoliad ymarfer y cewch chi hawlio. Cewch chi hawlio am unrhyw gostau teithio/milltiroedd hefyd, os oes rhaid ichi deithio yn y gymuned i leoliadau ymarfer eraill, a/neu i gartrefi cleifion os nad oes trafndiaeth am ddim gennych chi. Dylech chi ddefnyddio'r dull rhataf o deithio, gan fanteisio i'r eithaf ar unrhyw gynlluniau teithio yn rhad ac am ddim neu gynlluniau teithio rhatach. Os ydych chi'n defnyddio trafndiaeth gyhoeddus, cewch chi hawlio am gost eich tocynnau, gan gynnwys costau cario'ch bagiau a beiciau. (Sylwer bod cost tacsis ond yn cael ei chaniatáu mewn amgylchiadau eithriadol yn unig. Ni chewch chi hawlio am gostau tocynnau awyren.) Bydd

		rhaid i chi gadw pob derbynneb (h.y. tocynnau bws/trên, tocynnau parcio, derbynebau twneli a thollau) a'u cynnwys gyda'ch cais fel prawf o'r teithiau a wnaed. Ni chaiff ceisiadau heb dderbynebau ad-daliad.
	Sut ydw i'n gwneud cais am dreuliau teithio a llety?	Bydd angen i chi lawrlwytho PPE BOSS (Ffurflen Hawlio Treuliau Lleoliad Ymarfer BOSS) o'n gwefan a chwblhau'r holl adrannau perthnasol. Unwaith i chi wneud hyn, bydd angen i chi ei hanfon at y Swyddog Lleoliadau Ymarfer yn eich prifysgol, ynghyd ag unrhyw dystiolaeth ategol a'ch taflen glawr myfyriwr. Bydd eich prifysgol wedyn yn gyfrifol am wirio'r dystiolaeth, gan stampio ac arwyddo'r ffurflen hawliadau a'i phostio i Dîm Sganio Dogfennau PCGC ym Mhont-y-pŵl. O'r fan honno, bydd y tîm yn sganio'r dogfennau i'ch cyfrif Myfyriwr lle bydd y Gwasanaethau Dyfarniadau Myfyrwyr yn prosesu'ch cais ac yn cysylltu â chi os oes ganddyn nhw unrhyw gwestiynau pellach. Os ydy'ch Prifysgol yn gweithio o bell oherwydd effaith COVID19, yna bydd angen i chi anfon y ffurflen ymlaen yn electronig, lle bydd angen iddyn nhw anfon yr e-bost hon i fewnflwch generig SAS i'w phrosesu. Ynghyd â'r ffurflen, bydd gofyn iddyn nhw ddarparu e-bost eglurhaol yn cadarnhau'r costau. Y brifysgol sy'n penderfynu a yw'r costau teithio yn berthnasol ac felly bydd angen ei hawdurdodiad arnom cyn i ni wneud unrhyw daliadau. Rhaid i chi sicrhau eich bod yn darparu'ch taflen glawr myfyriwr ynghyd â'r ffurflen PPE oherwydd, bydd unrhyw ffurflenni sydd heb ddalen glawr Myfyrwyr yn cael eu dychwelyd i'ch Prifysgol. Gallai hyn arwain at oedi wrth brosesu'ch cais a threfnu taliad. Dylech sicrhau hefyd bod eich cyfeirnod BOSS (System Cymorth Ar Lein ar gyfer Bwrsariaethau) wedi ei nodi'n glir yn y blwch a ddarperir. Ni fyddwch yn gallu hawlio costau lleoliad cyn eich lleoliad.
	Oes terfyn amser ar gyfer hawlio treuliau teithio a llety?	Oes - rhaid i ni dderbyn eich Ffurflen Hawlio Treuliau Lleoliad (PPE) o fewn 6 mis o ddiwrnod olaf pob lleoliad er mwyn iddi gael ei hystyried.
	Fydda i'n cael ad-daliadau am lleoliad dewisol?	Os yw eich lleoliad dewisol yn y DU, byddwn yn gallu ad-dalu'r costau teithio. Fodd bynnag, os yw'r lleoliad dewisol y tu allan i'r DU, ni fyddwn ond yn gallu ad-dalu eich costau teithio i'r maes awyr yn y DU ac oddi yno.
	Fydda i'n gallu hawlio costau nwyddau traul a chostau brechu ar	Na - Ni fyddwch yn gallu hawlio costau nwyddau traul a chostau brechu ar gyfer lleoliad dewisol.

	gyfer lleoliad dewisol?	
	Fydda i'n gallu hawlio treuliau am fynd â theithiwr i leoliad?	Ni fyddwch ond yn gallu gwneud hawliad am deithiwr sydd hefyd yn cael ei ariannu gan GIG Cymru. Ni fyddwch yn gallu gwneud hawliad am deithiwr sy'n cael ei ariannu gan yr NHS yn Lloegr, yn yr Alban neu yng Ngogledd Iwerddon.
	Pryd fydd fy Nhreuliau yn sgil Lleoliad Ymarfer yn cael eu had-dalu?	Bydd Hawliadau Treuliau Lleoliad (PPE) yn cael eu prosesu o fewn 20 diwrnod gwaith o'r adeg y byddwn yn derbyn y ffurflen wedi'i sganio gan y Tîm Sganio Dogfennau neu'r Brifysgol. Unwaith y bydd yr hawliad wedi cael ei brosesu, byddwch yn derbyn e-bost yn cadarnhau'r swm dyledus ac yn cadarnhau y bydd Prifysgol Caerdydd yn gwneud y taliad i'ch cyfrif o fewn 4 wythnos o ddyddiad yr e-bost.
	Gaf i ddefnyddio fy ngherbyd modur fy hun?	Fel arfer, bydd disgwyl ichi ddefnyddio trafndiaeth gyhoeddus. Mae defnyddio'ch cerbyd modur eich hun yn gyfyngedig ac mae'n rhaid cael caniatâd gan eich prifysgol cyn ei ddefnyddio. Os byddwch chi'n dewis defnyddio'ch cerbyd modur eich hun, dylech chi hawlio am docynnau trafndiaeth gyhoeddus os yw'r rhain yn rhatach na chostau milltiroedd. Os nad oes trafndiaeth gyhoeddus ar gael neu os nad yw'n addas i deithio i'ch lleoliad, dylech chi gael cytundeb gan eich prifysgol ymlaen llaw y bydd yn cadarnhau bod yn rhaid ichi ddefnyddio'ch cerbyd modur eich hun. Hefyd, bydd yn rhaid ichi gael cadarnhad gan eich cwmni yswiriant bod gennych chi yswiriant digonol ar gyfer unrhyw gostau a hawliadau ynghyd â chadarnhad nad oes gan eich prifysgol nac unrhyw gorff yn y GIG unrhyw gyfrifoldeb, a dylech chi roi gwybod i'ch prifysgol am hynny. Cewch chi hawlio'r cyfraddau milltiroedd canlynol: •Beic 20 ceiniog y filltir •Cerbydau modur 27 ceiniog y filltir
	Gaf i hawlio costau eraill?	Chewch chi ddim hawlio costau tacsis, oni bod eich prifysgol yn cadarnhau trwy lythyr, a hynny mewn amgylchiadau eithriadol, nad oedd unrhyw ddewis arall. Yn yr achos hwn, mae ad-daliadau o gostau tacsis wedi eu cyfyngu i'r gyfradd uchaf ar gyfer cerbydau modur (h.y. 27 ceiniog y filltir). Ni chewch chi hawlio costau cildyrnau, gwlâu a galwadau ffôn, nac unrhyw dreuliau eraill sy'n gysylltiedig â'ch lleoliad. Ni chewch chi hawlio costau tocynnau awyren, ond cewch chi hawlio costau teithio yn sgil trafndiaeth gyhoeddus o'ch cyfeiriad yn ystod y tymor yn y DU i faes awyr yn y DU, yn amodol ar ddarparu derbynebaw priodol.
	Fydd fy mwrsariaeth yn	Caiff swm eich bwrsariaeth ei bennu'n rhannol gan ble rydych chi'n byw yn ystod y tymor. Caiff myfyrwyr sy'n byw gyda'u rhieni y gyfradd "Cartref", a chaiff y rhai nad ydynt yn byw gyda'u rhieni naill

	cynyddu tra byddaf i ar leoliad?	ai gyfradd "Yn Rhywle Arall" neu Gyfradd "Llundain" os ydynt yn byw yn Llundain. Nod y fwsariaeth, ynghyd ag unrhyw gyfraniad aseddig a'ch Benthyciad i Fyfyrrwyr (lle y bo'n berthnasol) ydy'ch cynorthwyo i dalu costau byw beunyddiol, gan gynnwys costau eich llety yn ystod y tymor. Fodd bynnag, os bydd rhaid symud o'ch cyfeiriad yn ystod y tymor er mwyn mynychu lleoliad clinigol, mae'n bosibl y caiff eich bwrsariaeth ei chynyddu dros dro. Er enghraifft: Os ydych chi'n byw gyda'ch rhieni fel arfer ond mae rhaid symud i ffwrdd tra byddwch chi ar leoliad, mae'n bosibl y caiff eich bwrsariaeth ei chodi i gyfradd "Yn yn Rhywle Arall" os ydy'ch lleoliad y tu allan i Lundain, neu i gyfradd "Llundain" os ydy'ch lleoliad yn Llundain. Os ydych chi'n derbyn cyfradd "Yn Rhywle Arall" fel arfer ond mae rhaid ichi symud i Lundain ar gyfer lleoliad, mae'n bosibl y caiff eich bwrsariaeth ei chodi i gyfradd "Llundain".
--	---	--